

- Unde famem solemque levet reparetque^(a) vigorem;
 Pulvere vel multo gravis ac de sole viator
 Deque^(b) via fessus placida requiescit in umbra,
 Invitans molles viridi de cespite somnos.
- 5 Ast ego more meo sub^(c) (Rome menibus alme)
 Herbosos soleo calles et florida rura
 Nunc tacitus, nunc rauca sonans, lustrare canendo.
 Forte aliquid meditans pergebam excedere tectis,
 Vixque pedem extuleram tectis atque urbe relictis,
- 10 Insolitus cum forte meas sonus impulit aures,
 Proximus ethereo, qui pressis orbibus exit^(d),
 Credere si liceat, cum summa palatia complet.
 Namque ibi corporibus variis pro dispare cursu
 Mutuo collis concentum surgere^(e) mirum
- 15 Celesti regione ferunt, cui protinus omnes
 Humane rationis opes inventaque cedant;
 Hos exaudiri nostra de sede beatos
 Posse negant^(f) pulsus obtusis sensibus usque^(g).
 Ut vero est primum vox intellecta canentum,
- 20 Observans qua parte sonet, vestigia pressi.
 Inde locum velox pedibusque et mente secutus,
 Deveni quo lata patent pastoribus arva,
 Que flexu^(h) Tiberinus amans circumfluit amnis⁽ⁱ⁾,
 Primum vicine subeat quam menia Rome.
- 25 Tibridis ad ripam leto stat gramine campus
 Leniter acclivus, spatio qui tenditur^(j) equo
 Undique conclusus corylis^(k) atque ilice nigra.
 Hic Phebo dilecta nimis fit plurima laurus,
 Et quecunque^(l) virens hiemis vim despicit arbor;
- 30 Quaque rigat flumen, transcendunt ethera ramis

(a) C levat...reparatque B reperetque (b) Codd. De qua (c) Lacuna in ambedue i codici. Il Sabbadini propone (plena luce diei) (d) B et hereo qui pressis orbibus hesit C etereo qui pressis orbibus hesit (e) B consurgere (f) Codd. negat (g) Codd. flexo (h) C om. amnis (i) B tonditur (?) (k) B corimbis (l) Codd. quacunque

(1) Cf. MACROB. *Comment. in Somnium Scipionis*, II, 1, 2-3 (= CIC. *De re publica*, VI, XVIII [v], 18-9).